



e-bilten

OPĆINA TEŠANJ

www.opcina-tesanj.ba

e-mail: fuad.sisic@opcina-tesanj.ba

Ponedjeljak
Broj 55

20.06.2011

1. Zaustavljanje razvoja
2. Premijer ZDK i općinski načelnici
3. Treća – sreća
4. Treća traka
5. EKO SERVIS

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: fuad.sisic@opcina-tesanj.ba
Molimo vas da ovaj elektronski bilten prosljedite svim zainteresiranim u našoj općini. Ukoliko želite da objavite neke od vaših novosti, iskoristite elektronski bilten općinskog načelnika, koji je brz, efikasan i besplatan način komuniciranja sa javnošću.
Sa zadovoljstvom očekujem vaše komentare, sugestije i primjedbe.

Molim da ne prinate ovaj sadržaj. Za svaki nepotrebno odštampan papir mora se bez potrebe oboriti drvo koje raste!

Zaustavljanje razvoja

Znaju šta neće – ne znaju šta hoće!?

Red u odnosima je pretpostavka uspjeha. Kada učenik poštuje učitelja zbog učiteljeva znanja, kada pacijent poštuje ljekara zbog očekivane uspješno propisane terapije, kada igrač poštuje trenera zbog njegove uloge koju ima, kada se ne petljamo u posao drugih samo zbog toga što nam se ne sviđa kako oni rade svoj posao onda možemo govoriti o društvenoj kulturi reda u odnosima.

Općina Tešanj je početkom prošle godine raspisala javni poziv za prodaju državnog zemljišta u industrijskoj zoni „Bukva“, na području MZ Bukva po iskazanom interesu jednog privrednika i završila prodaju zemljišta kako bi investitor pokrenuo investiciju na tom placu.

Općina Tešanj je prije par mjeseci dobila zahtjev dva privrednika i po tim zahtjevima pokrenula istu, zakonom predviđenu, proceduru o raspisivanju javnog poziva za prodaju jednog placa u sportsko-rekreacionoj zoni definisanu urbanističkim planom „Šibovi“ i drugog placa definisanog u urbanističkom planu industrijske zone „Ciglana“, oba na području MZ Jelah. Nijedna procedura još nije okončana, a da li će i biti, za sada ne znam.

Organi MZ Jelah su pokrenuli PETICIJU, potpisivanje građana PROTIV prodaje ova dva placa! Na oba placa je trebala biti otvorena investicija, na prvom – bazeni sa rekreativnim sadržajem, na drugom izgradnja dodatnog prostora za već postojeću proizvodnu firmu u ovoj zoni. Istovremeno, Općina Tešanj vodi pregovore sa vlasnicima privatnih parcela u industrijskoj zoni „Glinište“ (na području MZ Jelah) o kupovini zemlje kako bi gradila saobraćajnice i otvorila nove prilike investitorima, i novim radnim mjestima. Prihod od prodaje državnog zemljišta neće biti dovoljan da se plati privatno zemljište koje treba kupiti, ali Općina Tešanj je opredjeljenja ulagati u uređenje zemljišta radi pogodnosti koje želi dati investitorima. Naš cilj su nova radna mjesta, ona doalze otvaranjem investicija, a investitori dolaze tamo ko im nudi bolje uslove.

Zbog čega i u čijem interesu organi MZ Jelah provode PETICIJU kojom, dajući građanima samo dio informacija ali ne i kompletnu istinu, pridobijaju građane za potpis koji u krajnjem donosi samo zaustavljanje za



početih aktivnosti, zaustavljanje investicija, zaustavljanje razvoja općine Tešanj na području MZ Jelah?! Šta god bio pozadinski cilj, makar to značilo da se ovakvom nepromišljenom akcijom (koja je sama po sebi sa pozicije organa mjesne uprave nelegalna), stvara politički ambijent za napad na Općinskog načelnika i pridobijanje podrške za neke naredne izbore, to nema društvenu opravdanost i korist. Čak naprotiv, nanosi društvenu štetu jer proizvodi društveni konflikt koji nikome ne donosi ništa dobro. Zaustaviti sve, a onda kada se zaustavi početi napadati zašto se ništa ne radi je prevaziđen nedemokratski scenario političkog obračuna. On bi trebao biti prošlost, a nadmetanje u dobru nova politička konkurencija. Nadati se da ćemo i to dočekati.

Premijer ZDK i općinski načelnici

Prvi radni sastanak u Tešnju

Premijer ZDK je na samom početku mandata najavio novu praksu: radne sastanke Premijera i općinskih načelnika. Nakon prvog konsultativnog sastanka u Aprilu, 10. juna je održan prvi radni sastanak Premijera i općinskih načelnika u Tešnju. Domaćin je iskoristio priliku da predstavi Općinu Tešanj i lokalne primjere dobre prakse, ali i priliku da se predstavi kao ugosti ugledne dužnosnike iz drugih sredina. Dvije teme su bile osnov radnog sastanka: Startegija razvoja ZDK i Zakon o principima lokalne samouprave. Teme su pripremile Općina Tešanj i Općina Zenica, a kroz diskusiju se došlo do daljih smjernica.

Premijer i općinski načelnici u ovom mandatu dolaze iz pet različitih političkih stranaka: SDP, SDA, SBiH, HDZ i NHI. Ali u razgovoru, u diskusijama, nisu se osjetile razlike te vrste. Naprotiv, stvarni problemi u funkcionisanju lokalnih uprava, općinskih administracija, javnih ustanova i preduzeća, ograničenja u efikasnijem funkcionisanju i prioriteta u radu su bili fokus svih diskusija. To daje nadu da tranzicija i izgradnja višestranačkog političkog sistema ma koliko išla sporo, ipak ide, kreće se, i očekivati je da će izabrani dužnosnici sve više biti posvećeni svojim dužnostima u toku trajanja mandata a manje političkim stranačkim diskusijama. Razmjena iskustava i primjera dobre prakse će biti svima korisno, i uvijek će imati neko nešto od nekoga da nauči. Nakon radnog sastanka smo posjetili Eminagića konak, zatim firme Alpina-Bromy i AS, a domaćin na ručku bio je Fahrudin Čeman na jezeru „Jelen“ kome posebno zahvaljujem. Nama ostaje da s ponosom konstatujemo da smo bili uspješni prvi domaćini.

Treća - sreća

Konačno imamo stav Vijeća o radu ustanova i preduzeća

Nakon razmatranja informacija (izvještaja) o radu javnih ustanova i javnih preduzeća u 2009. godini od strane Općinskog vijeća nismo dobili bilo kakav stav koji bi potvrdio ispravan smjer djelovanja, ili utvrdio novi. U 2010. godini Vijeće je usvojilo dnevni red a onda do kraja godine nije nastavilo započetu sjednicu, da bi istu završilo tek u januaru 2011. godine.





Tada je očigledno bilo svima da je suviše kasno raspravljati o radu ustanova i preduzeća u 2009. godini, jer je i 2010. godina prošla. I konačno, treća po redu godina na kojoj Općinsko vijeće razmatra rad ustanova i preduzeća, i uspješno završava sjednicu i donosi niz zaključaka. Neću komentarisati kvalitet zaključaka, ali konačno imamo stav Općinskog vijeća iskazan u zaključcima iz kojih možemo razumjeti gdje se treba više i drugačije raditi, a gdje treba nastaviti sa dosadašnjim pristupom.

I to ima smisla, i to daje nadu da će se lakše i brže poboljšavati javne usluge prema građanima i zajednici koje pružaju ustanove i preduzeća. A zbog toga ih je Općina i osnovala.

INFORMISANJE JAVNOSTI

Samovolja institucionalnog djelovanja?

Nadzorni odbor JP "Toplana" nije usvojio izvještaj o radu Direktora ovog Preduzeća. Ugovor o radu između Direktora i Nadzornog odbora jednim članom definiše da u slučaju ne usvajanja izvještaja o radu, mandat Direktora prestaje.

Pravila veoma jednostavna definisana ugovorom dvije strane proistekle slobodnom voljom potpisnika ugovora, odnosno odluka ovlaštenog organa u slučaju Nadzornog odbora.

Na žalost, u slučaju JP "Toplane", od proceduralno sasvim jasne i neupitne situacije dobijamo uključivanje policije i medija u proces primopredaje dužnosti. To je loše za našu sredinu. Ali kada se to već dogodi, kao što se u ovom slučaju dogodilo, onda je očekivati profesionalni odnos sudionika. Na žalost, takav odnos nismo vidjeli. Čak je novinar "Oslobođenja" dopustio da izjavu smijenjenog direktora, kojom bez ijednog argumenta atiketira Predsjednika Nadzornog

odbora stavi kao valjanu informaciju za javnost, a da pri tome ne ustupi prostor i za izjavu Predsjedniku Nadzornog odbora. A onda završava svoj tekst afirmacijom uloge političkih stranaka na nivou jednopartijskog sistema, i konstatuje kako nije bilo saglasnosti ni SDA i BPS o ovoj smjeni, pa zaključuje da je to nečija samovolja. Novinar samovoljom naziva rad ovlaštenih organa unutar institucija, unutar pravnog sistema utemeljenog na Ustavu i zakonima države

Podjele u strankama

Kao odgovorno lice i kao potpisnik računa ne želi sebe dovesti u nezgodnu poziciju, jer hoće, što je sasvim uredu primopredaju izvršiti komisijski, na propisan način. Iz nezvaničnih izvora saznajemo da ni rukovodstva stranaka SDA i BPS nisu bila jedinstvena i ne podržavaju ovakav način "trošenja" tešanjskih kadrova, pa se pretpostavlja da je to nečija samovolja.

Miralem Begić



Bosne i Hercegovine i njene strukture, a onda to dnevne novine i objavljuju. Kako će naše društvo biti u stanju uopće prepoznati ko radi svoj posao odgovorno a ko ne radi, ko provodi samovolju a ko djeluje na temelju nadležnosti, makar se uvijek svima ne sviđalo kakve su pojedinačne odluke, pored ovakvog javnog medijskog predstavljanja?!

TREĆA TRAKA

Zastoj nepotrebno dug

Radovi na realizaciji izgradnje 3. trake Bukva započeti su rano proljetos, po potpisanom ugovoru između Direkcije cesta ZDK, Općine Tešanj i Izvođača radova. Sredstva u visini od su osigurana sa ESCROW računa, odnosno od prodaje državnog kapitala u procesu privatizacije u iznosu od 226.430,39 KM. Bila je to veoma povoljna ponuda u odnosu na preostalih šest ponuda u postupku javne nabavke. Prema ugovoru potpisanom 03.11.2010. godine vrijeme izvođenja radova je 30 dana od dana uvođenja u posao. Nadzorni organ je imenovan od strane Direkcije cesta ZDK. Svaki dan prekoračenja se kažnjava sa iznosom od pet promila ukupnog iznosa. Zbog ulaska u kasni jesenji, odnosno zimski period, Izvođač radova je uveden u posao 10. marta ove godine.

Radovi su započeli uspješno uz ranije riješene imovinsko-pravne odnose, sa iskustvom iz prve faze, očekivali smo završetak radova prije ovogodišnjeg tešanjskog sajma. Na žalost, prvi zastoj zbog nivelacija je rješavan na relaciji projektant-izvođač radova-nadzorni organ-investitori neprihvatljivo dugo, a onda kada je sve bilo usaglašeno i potvrđen nastavak radova, dolazi do novih pitanja. Pored ovoga, istu sudbinu dijeli još pet započetih projekata na području općine Tešanj, i osim Kraševa, gdje Općina mora prethodno riješiti pitanje stare kanalizacije, sve ostalo je bez razloga. Općina Tešanj će tražiti od Direkcije cesta ZDK snažan pritisak na izvođača radova ili uvođenje novog izvođača, jer Općina Tešanj ima opravdane prigovore privrednika iz Bukve zbog predugo otvorenih radova u ovom području.

Predmet ugovora:

I

Naručioci ustupaju, a izvođač radova prihvata da izvede radove na rekonstrukciji i modernizaciji dijela lok. Ceste LC-16 Tešanj-Medakovo-Tešanjka na dionici od Toplane do Enkera u Bukvi, II faza, L = 500 m, na području općine Tešanj, koji je kao investicioni projekat infrastrukture utvrđen Zaključkom Vlade Zeničko-dobojskog kantona 02-14-18230/10 od 22.06.2010.godine.

II

Radovi iz prethodne tačke će se izvršiti prema tehničkoj dokumentaciji i ponudi izvođača radova broj: 1058-2-09/10 od 25.08.2010. godine, koja je odabrana u otvorenom postupku javne nabavke objavljene u "Službenom glasniku BiH" broj. 62/10 od 02.08.2010.godine. Ista se prilazi uz ovaj ugovor i čini njegov sastavni dio.



Općinski načelnik
Fuad Šišić

